



滄水文集卷之八

金翰林學士承旨趙秉文周臣著

絕句

春游四首

草荒一徑抱村斜
日暮初歸拜掃車
猶有飢鴉來攫肉
覘人飛下杜梨花

其二

無數飛花送小舟
蜻蜓款立釣絲頭
一溪春水無情甚
皺作風前萬疊愁

其三

樹藏脩竹：蔽門，外清流几股分行過小橋人不見背陰花氣隔牆聞

其四

烟外絲：風柳斜春光也自到天涯太平有象村：酒寒食無家處：花

題扇頭

文書勾引墨態鄉倦枕拋書午夢長夢裏棋聲驚雨電覺來窓隙有斜陽

平湖戲鴨圖

平湖飛下蹙雙紋翻動江南水底雲盡日自來還自

去塵埃滿眼不如君

暮春

貪看孤鳥入重雲不覺青林雨氣昏行過小橋斷沙路黑忽從電影滑前邨

正覺院

坐時一鉢僧上堂履聲如水度秋窓秋陽滿地槐陰薄幽鳥飛來施食幢

登嵩頂

危躡嵩山頂上來五髯龍對八仙臺不知眼界濶多少直盡黃河一曲迴

少林

只麼西來坐面牆更：一法付神光少林自有吹毛
物三十六峰如劍鋸

石樓

月約風期屢往還水聲山色石樓間大家也入香山
去那個心如白傳閑

嵩山道中二首

為愛青山懶着鞭吟詩時作宦頭徧驀然得句驚飛
鳥撲菽岩花墮馬前

又

屋頭山色靜無埃竹裏柴門水際開驚怪籬中犬迎
吠有人知自碧嵩來

題南城樓

樓上遙看郊外村不須騎馬坐平分人家應在青山
外時有歸牛下白雲

香岩寺壁

此首何校本在石樓詩下 增案

一夕秋風變素高蕭：雲物換新涼片雲不作前溪
雨飛過高城有底忙

題扇頭

魏三句裏數聲櫓秦七詞中萬點鴉好在團：明月

底一灣流水几人家

三學士院對

何年觀佛月天子各以寶花樓閣俱為問上方銀世
界不知有此夜寒無

清居寺五杉亭觀子野留題

五彩亭下祇三株曾是詩人歎息餘君去我來杉尚
在斷腸君沒見君詩

回春谷

冰崖雪柱道人家谷榜回春事已夸却恐陽和在泉
底未春先發忍冬花

祕魔岩

鐵鎖閉藏五百龍文殊遊戲作神通山僧辨要金剛
眼莫謂魚蝦在此中

登萬聖閣

中州之山臺山高遍尋五頂無乃勞老去看山無脚
力直憑一閣了秋毫

馬尾

天外亂山圍曠野水邊孤塔背層城馬頭才措素乾
路愁見行人問去程

趙橋

天垂曠野初疑合地轉深岩忽似窮偶向高崖聞笑
語寒春一帶夕陽中

雞鳴山

烟蒸山腹晴猶濕河帶冰漸暖漸流獨上雞鳴看出
日五雲多處是皇州

盧溝

河分橋柱如孤蔓路入都門似犬牙落日盧溝：上
柳送人幾度出京華

漁陽道中

盤山曾借上方眠落月蒼：响石泉夜半峰頭聽鳴

鹿半崖松子落塔前

達北京

小車日：碾征塵卧即看書坐欠伸露宿風餐二千
里青山無處不隨人

龍山怪松

自笑書生骨相窮倒騎驢看兩三峰天東稍喜無碑
讀踏雪還來看恠松

東京見梅

二月天東凍未蘇梅花市骨也清癯一枝萼綠來千
里為問東君管得無

遼東

幾家籬落枕江邊
樹外秋明水底天
日暮沙禽忽驚起
一痕冲破浪花圓

北都雪望

千山雪盡出樵車
一徑雲移去似蛇
小屋平頭虛落裏
炊烟起處是人家

北都小雪

邊城小雪試年華
烟冷貔貅十萬家
探使不來人半醉
將軍禮纛帳卓平沙

襲香亭二首

小橋虹影截波光
面二荷花鏡裏妝
風月要知無盡藏
一亭分作兩亭香

又

黃堂公退吏人稀
露下西溪宦未知
一榻清香無著處
曉風殘月獨來時

錦波亭

柳影移書步晚涼
清溪放閘水泱泱
胸中經緯天機錦
閑却香亭風露香

雨晴二首

東風時送瓦溝聲
欹枕幽窓夢自驚
睡起不知雲已

散夕陽偏向柳梢明

又

一抹平林媚夕暉
山烟漠漠燕飛飛
倚闌遙認天邊
電何處行人帶雨歸

靈感寺二首

斜廊深院斷人行
雪聚松中五鳥清
僧牘數殘門乍
啟驚飛評語獨含情

又

青山隱隱入烟微
一日看山坐水涯
何事晚來風截
斷偶看白鳥過林時

雞鳴山下橋

兩山相對翠幃開
一水中流礙石迴
橋北橋南路分
處紅塵一騎日邊來

和舜元雜詩二首

瘦馬龍鍾兩鬢華
敲門避雨野人家
門前籬落猶懸
路十里晚風吹斷霞

又

三五殘星闕角東
淡黃楊柳月明中
貪看稚子收殘
葉駐馬天街滿袖風

聖安小集

松軒却扇風仍好苔徑無花雨亦香門外市聲塵
枕老僧元不下禪床

和子約立春

唐虞禮樂歲元新齊魯中書有大臣泰和三年調玉
燭衣冠萬國拜王春

二青圖

大青天驥之云仍小青八尺猶龍騰三十年來無汗
馬不將遺像鑄興陵

古北口

幾家墟落兵戈外數畝荒田谷澗中日暮圍場來野

鹿令人長憶筆頭公

撫州二首

蕭寺金風動剎竿西城北斗挂闌干一虫不响夜更
靜片月未高山已寒

又

燕賜城邊春草生野狐嶺外斷人行沙平草遠望不
盡日暮惟有牛羊聲

北苑寓直

柳外宮牆粉一圍飛塵鄣面倦斜暉蕭蕭幾點蓮塘
雨曾上詩人下直衣

寓望

滿根閣，亂蛙鳴點水。楊花白半青，隔岼風來聞鼓。
笛柳陰深處，有園亭。

戴花

病來酒盞懶重持，強為殘花折一枝。人老易悲花易
落，東風莫近鬢邊吹。

玉堂二首

玉堂看到午陰移，日薄春閑下直遲。悞喜交番旗脚
轉，隔牆送過小桃枝。

又

玉堂陰合冷窓紗，雨過銀泥引篆竒。蝸萱草戎葵俱不
見，蜂聲滿院採槐花。

西溪

山垠西北塵沙少，水際東南風月寬。盡日朱門人不
到，鳧鷖引子傍闌干。

夏直

玉堂睡起苦思茶，別際銅輪碾露芽。紅日轉堦簾影
薄，一雙蝴蝶上葵花。

過邯鄲

十五年來黍一炊，藪臺重覓舊題詩。而今馬上行人

老不似當初遇趙時

臨洛

聰山洛水送還迎
世事浮雲幾變更
白髮重來相識
盡逢人欲問小時名

真際柏

趙州東院庭前柏
二百年来屈鐵柯
莫怪兩株纏欲
死後來禪客葛藤多

滹沱

滹沱一箭截天來
六月砮雷打土崖
一夜北風吹岍
柳直從中渡棹船迴

題閻立本職貢圖臨本二首

周王職貢朝萬邦
右相丹青古無雙
好本不應天下
獨解如明月印千江

又

金犀務面覘天庭
玉會圖中見典刑
已了宣威沙漠
事更煩石相寫丹青

墨梅

墨師不作脂粉面
却恐傍人嫌我真
相逢莫道不相
識
夏馥從來琢玉人

香山

山秀薰人欲破竺臨行別語更徘徊筆頭滴下烟嵐
句知是香山鏡裏來

夏日

樹木交陰鳥自呼
殘夢破華胥
虛簷一道風如水
展盡床頭幾葉書

太寧吟詩臺雨中

易州山水甲天下一日太寧如死灰
山意似羞人識面
雨昏丞相賦詩臺

涑陽道中

石頭犖确水縱橫
人在青山影裏行
忽悟過溪驚笑

語斷崖茹屋暮春聲

昌平狄梁公廟

力扶滄海將頽日
目送兩山不盡雲
一邑豈能占專惠愛
至今天下不名君

靈峰院

天門劃斷兩崖青
柱杖靈峰頂上行
一片白雲岩下起
不教眼力盡東溟

燕

宦遊恰我食官倉
贏得青衫兩鬢蒼
不會无情双燕子
南來北去為誰忙

湧雲樓雨二首

片雲頭上一聲雷欲到冠山風引回首外忽傳林葉
响坐看飛雨入樓來

又

簾雨風斜不上勾闌干吹濕怕人愁雷聲驅雨東山
去捎下斜陽恰半樓

樓上二首

樓頭四面好風生下與遙山一樣平睡起紗櫺欹枕
處恰如水底看行雲

又

山城雨過怪衣單清曉樓頭六月寒却喚奚奴添半
臂要乘涼氣倚闌干

登晉陽閣

坡陀勢盡晉川開一線汾河掌上來斜日西風倚高
閣白鳥飛過天門回

中山會故人

三十三年後夢魂故人老盡一身存燈前細雨當時
話別後相思誰與論

下直

綠槐鶯穰身呼風退食涼生襟袖中滿地綠苔承步

倒影花枝照水
明三：五：以邊
行今年潭上指
人少不是東風
也查情

障楸花無蒂落深宮

潭上二首

日斜飛盡往來塵為怕春愁
息酒尊醉裡不知歸去
晚先聲留著顯華門

宿王佐

鞍山橋水事茫茫猶記同遊
宿上方老大重尋箇下
宿殘經堆僻故人亡

燕子圖三首

一別天涯十見春
重來白髮一番新
心知話盡春愁
處相對依如故人

又

祝爾區區萬里身
錦書回寄莫辭頻
而今塞北看雙
翼多少中原失意人

又

交情消息兩何如
滿眼兵戈不得書
為問南來新燕
子啣泥曾復到吾廬

送人之河中

功名蟻穴夢南柯
投老空門不較多
試看鉄牛無用
用橫身終古負黃河

題李平夫畫黃山塞驢詩圖二首

浮光林杪水參差
意想先生得句時
千古黃山下
路蹇驢不是少人騎

又

三十年前濟水東
詩中曾識蹇驢翁
如今画出推敲
勢却恐相逢是夢中

中秋日郊外遇雨

斜風吹雨水生寒
荷蓋傾珠下芰盤
驚起鷺鷥眠不
得冲烟飛過蓼花灘

登定安閣

春風吹袖着闌干
薄霧初收雪未殘
擬折梅花遮遠

日愁看直北是長安

滎陽古槐

滎陽縣東千古槐
人言曾見漢朝來
不知兒覺南柯
夢直至如今喚不回

虎牢

兩山峽束枕洪濤
自古英雄爭虎牢
蒼天胡為設此
險長使戰骨如山高

新安道中

草根啾唧候虫鳴
月黑山腰信馬行
夾路水聲長在
耳六根先透一根清

滄水文集卷之八終

滄水文集卷之九

金翰林學士承旨趙秉文周臣著

絕句

遊華山四絕

石頭硤嶺水縱橫過雨山間草屨輕未到上方先滿意倚天青壁看雲生

其二

我與青山有舊盟淡雲微雨忽渝平朝來自獻三峯秀真個山神不世情

其三

仙人仙去有仙掌袖中擲下青芙蓉遺與楊羲書一
紙暫留笙鶴駐中峰

其四

玉龜山下古仙真許我天台一化身擬把嶽蓮騎白
鶴下看浮世幾揚塵

河上公廟

河上丈人忘姓名一編道德了一生時來河上觀物
化投膠欲變黃河清

稠桑谷遇雨

窮秋兩渡稠桑谷馬滑還經險路通騎上下山三十

里天教衝雨看黃河

濟源四絕

歌管年々樂太平而今鈺鼓替歡聲裴公祠下無窮
水好乞餘波為洗兵

其二

祠前繚繞無窮水竹杪參差不盡山極目水窮山盡
處天壇猶在白雲間

其三

樹映樓臺水映空溪容林意兩溶々夏山如醉無人
画遠處微茫近處濃

其四

毯：雲木曉相參寺枕龍蟠十頃潭一逕通幽竹深
處居人指似侍中庵

山行四絕

終日看雲不忍還馬蹄帶確兩山間雨聲欲到詩人
耳雲氣先濛一半山

其二

漠：青田鷺啄苔背人飛去又飛回青山影裏銜青
稻知自濟源枋口來

其三

樹根繫棧水淪漪雨裏看山大奇不見文公陳迹
在摩娑苔壁認題詩

其四

玉桂峯前紫翠堆道人架竹引泉來穿雲絡石無人
見下赴龍門作怒雷

雨晴

一春無雨作泥香碧瓦朝來從_淺霽光留得紫薇花上
露幾招渴燕下雕梁

一雨

遙望叢林一塔孤塞騎日轉古城隅夜來一雨添新

漲激灩澦頭漸欲無

和楊尚書之美韵四首

河南夫子兩程子要與洙泗繼後塵
漁溪先生為張本舞雩風裏浴沂春

其二 何校本其二其三倒轉 瓊案

東萊兩本不朽計讀書原委有本因傷
我絕筆大事記續經未了已亡身

其三

諸公辨論助怪驚削去訓傳非人情
大公至正本無我吾初如日月明

其四

漢儒俗學欺盲聾獨有一士超樊籠
君家子雲晚治易聖人門戶見重

題劉德溫畫湖山豐夏橫幅

聞道神仙郭恕先曾將清夏寫湖山
而今寶墨歸天上時許劉郎見一班

其二

湖山清夏不應豐一逕林陰水石中
六月涼生清蕩底釣魚船上一絲風

其三

風來山脚水淪漣林影參差舞鏡天袖裏長安遮日
手綠陰多處弄潺湲

其四

遠處微茫近處濃岸容林意兩溶溶夏山如醉無人
画更倩劉郎作幾峯

題東坡画古栢怪石圖三首

荒山老栢枿擁腫相伴醜石反成妍有人披圖笑領
似不材如我終天年

其二

人生散材如散木槁死深山病益竒放出春天二千

尺安用荒藤纏繞為

其三

東坡戲墨作樹石筆勢海上駮風濤画師所難公所
易未必此圖如此高

雲望

吹面風來受雪寒寶花樓閣五雲端船移忽破瓊瑤
影丹鳳橋邊駐馬看

蟬

薄：秋雲雨翼輕淤泥脫迹便恢聲可能枵腹涼陰
底受盡人間風露清

三蘇帖二首

他年鴻雁各分飛
風雨蕭蕭有所思
猶記讀書懷遠
驛夜深燈火對床時

又

君家一日會三蘇
翰墨人間今古無
時向明窓展橫
幅不須更寫德星圖

即事

樓頭不見暮山重
遙認青林雨意濃
一陣風來忽吹
散斷雲還補兩三峯

宿朱家寺

撤幕風來遠更清
窓間野曠見雲生
夜深古殿無殿
燭画壁時因掣電明

金水河

金水河邊駐馬時
熙春閣外夕陽微
舊時同樂園前
水曾照寒鴉幾度歸

晚登太史臺二首

雲鏤殘陽一線金
西風吹雨破層陰
歸鴉怪得紅翻
背返照依々在遠林

又

市橋落日與波平
返照前灣別舸明
不覺城頭來暝

色回看天際暮烟生

管幼安濯足圖

道喪何人識重輕白頭不作魏公卿
滄浪濯足知君意濁水那能浼我清

龐才卿畫長江圖

青山隱隱水悠悠何處長江是盡頭
款乃一聲人不見忽從天際下歸舟

淨安寺紫蠟梅

倩誰傳語主林神莫以時宜闔斬新
只是舊時黃面老而今現作紫金身

題移刺右丞畫雙鹿

忘言老人寫雙鹿筆力不減東丹王
右相丹青乃餘事向來勲業扶明昌

又

當年扈從直長楊想見秋山槲葉黃
沙外小灘圓似月眼明雙鹿噉斜陽

坡陽歸隱圖

年過六帙尚蹉跎奈此坡陽歸隱何
不是不歸未得家山雖好虎狼多

九日繁臺寺

九日登臨一散懷
繁臺寺下插花迴
空明衣上波光動
知是扁舟泛月來

道傍古槐

虬枝盤屈尚百尺
不肯為人充棟梁
六月行人汗如洗
尚能於世作清涼

昭君出塞圖

無情漢月解隨人
羞向天涯照妾身
問道將軍侯萬戶
已將功業上麒麟

子卿歸漢圖

節旄落盡始歸來
白髮龍鍾老可哀
猶勝生降不歸

漢將軍空有望
鄉臺

龐才卿畫春山歸隱圖

了無車馬到山家
門外東風掃落花
春入山間人不見
無時無處不烟霞

同樂園二首

春歸空苑不成妍
柳影毵毵水底天
過却清明遊客少
晚風吹動釣魚船

又

石作墻垣竹映門
水回山複幾桃源
毛飄水面知鷺柵
角出墻頭認鹿園

遊上清宫四首

陰、垂柳淨朝暉城郭山林果是非步統仙壇香露
濕紫玫瑰刺入骨衣

其二

醮罷琳宮日更長坐看幡影午悠揚出人喚起青童
睡苔迳掃花筠簟香

其三

細、薰風淡、陰過雲拋雨上花心黃鶯渴味沾微
潤飛上高枝作好音

其四

細雨薰風未熟梅仙禽啄寔下莓苔夏芳將盡無多
景紅白葵花相背開

中牟陽水篆

龍蛇起陸虫蝕木商盤周鼓秦刻餘中牟三異今則
西斷碑殘缺陽水書

過揚太尉墳

直道從來自不容斷碑千載尚塵封潼關門下墳三
尺清節高于華峯

過長安二首

漢苑秦宮半夕陽年、春色管興亡霸橋斫盡青、

柳不為行人也斷腸

又

茂陵玉盃苔痕土魏帝金盤月
泫津獨有乾陵：上
栢年來風雨不能神

草堂

幾家籬落掩柴關盡在浮嵐湧
翠間稻瓏明邊通白
水竹栢缺處補青山

過咸陽二首

獨立橋邊望白雲摩挲古墳石
麟麟千秋萬古功名
骨盡作咸陽原上塵

又

上林池籞鎖芳塵直抵南山不屬人
世事千年陵谷
變千村桑柘鶉鴉春

題東坡與佛印帖

魯公食粥已數月蘇子探囊無一錢
身後胡椒八百
斛尔曾堪笑亦堪憐

呼群鳴鹿二首

麋斑剝落錯古錦麋角輪囷生肉芝
吻：誰見群呼
態憶在秋山扈從時

又

霜林楓葉動秋山誰道吻吻物性閑同類呼群更媒
禍世間何處不黃間

五嶽觀

瀏瀏清風下曲阿亭午影轉庭柯簾處不捲通明
處時有流鶯趁蝶過

夜

惜惜小雨一燈熒猶記靈宮夜叩肩繞樹驚鳥棲不
定踏翻柏子落堦庭

曉

一聲鴉鴉喚年芳底事驚回蝶夢長獨倚欄干梳白

髮滿襟清快晚風涼

暮

移床坐到晚涼時手弄清泉似小兒古觀無人蒼柏
暗偶看宿鳥暮投枝

荔支圖

雨滴鈴聲蜀道長都緣一曲荔支香宣和無限丹青
手好畫當年花石綱

臨韓幹馬

秋日平原看肉飛千金市骨眼中稀世間賴有丹青
手韓幹丹青又已非

載梅

滿車飽載梅花共車聲咄：不成弄月^落參橫画角哀
橫眠正作梅花夢

鴻溝

山川依舊霸圖空楚漢分溝一映中金翅鳥王分海
立却應莞尔笑英雄

遊崆峒四絕

西鄰烏鼠北朝那涇水東流入大河一上參雲亭上
望山川滿目夕陽多

其二

金湯形勝滿秦中戰鼓驚飛北塞鴻為向崆峒山試
道可能高枕聽松風

其三

斷碑零落任苔封想像當時問道宮烟鎖洞天三十
六時人空禮白雲中

其四

萬松聲裏暮濤寒盡在參雲一望間只欠懸流二千
尺天風吹下翠屏山

題東岩道人讀書堂

裕之先大夫讀書于此東巖其自號也

山頭佛屋五三間山勢相連石嶺關名字不經從我
改便稱元子讀書山

哀李平父

平父能詩善画與予為狹友

妙画清詩絕點塵丹青才了已無身釣臺即是西川
路長使羊曇泪滿巾

洮石硯

何年洮石鴨頭綠磨研來伴中書公乞與玉堂揮翰
手便欲草檄西戎

跋黃華墨竹二首

老可能為竹寫真東坡解與竹傳神墨君有語君知
否須信黃華是何人

又

淡墨閑臨謝女真蕭然林下自風神世間亦有丹青
手只解尋常寫市人

閏八月十八日會同館諸公全賦絕句五首

一年十二度圓月及偏中秋此夜偏天意自憐風露
爽更教明月十三員

其二

閏年都未有新霜探借秋花十日香經約同僚同一

醉有花有酒即重陽

其三

太平勝事古難并且盡清歡伴醉醒座上少年三館

秀也知傍有老人星

東坡以把酒賦詩為太平勝事

坡以把酒賦詩為太平勝事

其四

老去追歡強不能少時戀酒侶痴蠅佩刀左右更相
笑我已年來絕愛憎

其五

賓主相忘間濁清坐中談笑雜歌聲道人嘿坐無分

別總是秋風萬籟鳴

馬上見桃花

可憐馬上逢春色不得明窓貯古瓶祇恐東風易零
落免葵燕麦又青

列子廟二首

天祿離書已斷編枉將放蕩雜真筌如何得似東臯
子刪却楊朱力命篇文粹有刪東臯文

文粹有刪東臯文

又

東土西天一幻緣先生古佛豈其仙據蓬指處無生

死勤破躡髀未死前

翠微寺二首

南山常愛退之詩未說雲烟潤色之要見山光如潑
黛更須留待雨晴時

又

南山深鎖翠微宮寺在山南十里東祇怪朝來衫袖
濕不知身在翠微中

宿索水

楚漢相隨京索間路人指點舊河關英雄成敗一丘
土雲自高飛水自閑

平泉店逢夏使

穹廬毳服異華風馬上相逢一笑同贈我何勞統朝
策賀蘭千里已胸中

暮春用寒字韵二首

柳陰彩檻繫朱欄樓外鞦韆搭画杆
襖袂人歸池館靜吹花風急皺波寒

又

一年芳物已闌珊年少春愁為牡丹村落人家雨前
後蓬窓罩紙護蚕寒

初聞雁

囑尔南來新雁群封書好寄未歸人天涯憔悴多風
雪回首中原又一春

宿遂初園

病身三日園亭主自慶還須把一盃猶勝西隣王學
士金門到老不曾來

別春

年々春去歸何處今日須為別一番把酒問花々不
語夜來風雨淚珊珊

滄水文集卷之九終

